



Broj/Број: 01/2a-50-1-2-10/07
Sarajevo/Сарајево, 04.07.2007.

ZAPISNIK

10. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 04.07.2007. godine

Sjednica je počela u 11.30 sati, odnosno na pauzi zasjedanja Zastupničkog doma PS BiH i vodio ju je Predsjednik Komisije Slavko Matić.

Sjednici su prisustvovali sljedeći članovi Komisije: Slavko Matić, Sadik Ahmetović, Azra Alajbegović, Husein Nanić, Azra Hadžiahmetović, Milorad Živković te Davorin Semenik – privremeni sekretar Komisije.

Odsutni su bili Denis Bećirović, Sefer Halilović i Milica Marković.

Sjednici su prisustvovali i pozvani gosti i predstavnici predlagača: Sven Alkalaj, ministar vanjskih poslova BiH i Denis Dizdarević ispred Ministarstva civilnih poslova BiH.

Zapisnik su vodili studenti - stažisti Isović Lejla i Mirjana Brčkalo.

Sjednica Komisije za vanjske poslove je usmeno sazvana zbog hitnosti davanja suglasnosti za ratifikaciju Ugovora o socijalnom osiguranju između BiH i Kraljevine Belgije, koji se našao na dnevnom redu sjednice Zastupničkog doma PSBiH, 04.07.2007.

Predsjednik Komisije je predložio sljedeći

DNEVNI RED

1) Davanje suglasnosti za ratificiranje Ugovora o socijalnom osiguranju između Bosne i Hercegovine i Kraljevine Belgije

Ad.-1. Davanje suglasnosti za ratifikaciju Ugovora o socijalnom osiguranju između Bosne i Hercegovine i Kraljevine Belgije

Predsjednik Komisije je pozdravio prisutne i podsjetio na ranije zauzet stav Komisije, a to je da neće davati mišljenja bez prisustva nadležnih ministarstava. To je bio slučaj na jučerašnjoj sjednici, stoga je sazvana ova deseta sjednica Komisije obzirom da je ova tačka na dnevnom redu današnjeg zasjedanja Zastupničkog doma, a osigurano je prisustvo predstavnika predlagača. Predložio je samo jednu tačku dnevnog reda, i dao uvodnu riječ gostu, g. Svenu Alkalaju, Ministru vanjskih poslova BiH.

G. Alkalaj je govoreći o tekstu Ugovora naglasio da je u potpunosti usaglašen i kao takav spreman da uđe u proceduru. Kratak uvod dao je g. Damir Dizdarević. Istakao je da su delegaciju BiH sačinjavali državni i entitetski predstavnici te da je Predsjedništvo BiH donijelo odluku o prihvatanju ovog Sporazuma i uputilo da se potpiše ovaj Ugovor. Sulejman Tihić, koji je tada bio na funkciji predsjedavajućeg Predsjedništva BiH je i potpisao ovaj ugovor u Briselu 2006.godine. Navedeni Ugovor se odnosi na sve zakonske propise iz oblasti zdravstvenog osiguranja i zdravstvene zaštite, penzijskog i invalidskog osiguranja, nesreće na radu, profesionalne bolesti, osiguranje za slučaj nezaposlenosti itd.

Ugovor je u fazi ratifikacije, stoga je g. Dizdarević predložio prihvatanje ovog Sporazuma, koji je usaglašen kako unutar BiH strane tako i sa Belgijom. Ratifikacijom ovog Ugovora doći će i do potpisivanja Administrativnog sporazuma sa Belgijom.

S obzirom da nije bilo primjedbi, Predsjednik Komisije je predložio da se da suglasnost za ratificiranje ovog Ugovora. Također je naglasio da je bitno uspostaviti češću komunikaciju između Komisije za vanjske poslove i Ministarstva civilnih poslova.

G. Dizdarević je uputio riječi isprike Predsjedniku Komisije i članovima, i obećao uspostavu bolje komunikacije.

Svi prisutni članovi su bili za davanje suglasnosti za ratificiranje ovog ugovora.

Sjednica je završila svoj rad u 11.45 sati.

PRIVREMENI SEKRETAR
KOMISIJE ZA VANJSKE POSLOVE
Davorin Semenik

PREDSJEDNIK
KOMISIJE ZA VANJSKE POSLOVE
Slavko Matić